

ÁKVÖRÐUN FRAMKVÆMDASTJÓRNARINNAR

frá 28. desember 1994

um bráðabirgðaráðstafanir sem gera skal í Finnlandi með tilliti til dýraheilbrigðiseftirlits með lifandi dýrum sem eru flutt inn til Finnlands frá þriðju löndum

(94/957/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/496/EBE frá 15. júlí 1991 um setningu meginreglna um fyrirkomulag heilbrigðiseftirlits með dýrum sem eru flutt til bandalagsins frá þriðju löndum og breytingu á tilskipunum 89/662/EBE, 90/425/EBE og 90/675/EBE ⁽¹⁾, eins og henni var breytt með a-lið 2. mgr. I. hluta E-liðar V. kafla I. viðauka við lög-in um aðildarskilmála konungsríkisins Noregs, lýðveldisins Austurríkis, lýðveldisins Finnlands og konungsríkisins Svíþjóðar og aðlögun að sáttmálunum sem Evrópusambandið er grundvallað á, einkum 17. gr. a,

og að teknu tilliti til eftirfarandi:

Finnland skal hafa þriggja ára frest til að taka upp skoðunarfyrrirkomulagið sem kveðið er á um í I. kafla tilskipunar 91/496/EBE. Nauðsynlegt er að skilgreina bráðabirgðaráðstafanirnar sem eiga að gilda á því tímabili.

Þar til viðeigandi grunnvirki eru til reiðu á ytri landamærum skal kveða á um skoðunarstaði í tengslum við landamæra-stöðvar á ytri landamærum. Af þeirri ástæðu ber að aðlaga viðkomandi ákvæði I. kafla tilskipunar 91/496/EBE.

Ráðstafanirnar sem mælt er fyrir um í þessari ákvörðun eiga að tryggja að yfirvöld í Finnlandi viðhafi allt tilskilið eftirlit.

Ráðstafanirnar sem kveðið er á um í þessari ákvörðun eru í samræmi við álit fastanefndarinnar um dýraheilbrigði.

SAMÞYKKT ÁKVÖRÐUN ÞESSA:

1. gr.

1. Með tilliti til skipulagningar og framhalds eftirlits (I. kafli tilskipunar 91/496/EBE) skal Finnland beita þeim ráðstöfunum sem kveðið er á um í þessari ákvörðun frá 1. janúar 1995 til 31. desember 1997.

⁽¹⁾ Stjtið. EB nr. L 268, 24. 9. 1991, bls. 56.

2. Ákvörðun þessi hefur ekki áhrif á þann möguleika að skoðunarstöð á landamærum verði tilgreind í skránni sem kveðið er á um í 6. gr. tilskipunar 91/496/EBE.

2. gr.

1. Lifandi dýr frá þriðju löndum sem eru flutt inn á yfirráðasvæði lýðveldisins Finnlands skulu fara um eina af þeim landamæra-stöðvum sem eru taldar upp í viðaukanum.

2. Yfirvöld í Finnlandi skulu gera nauðsynlegar ráðstafanir til að beita viðurlögum vegna allra brota einstaklinga eða lögpersóna á ákvæðum 1. mgr. Í alvarlegustu tilvikum geta slíkar ráðstafanir leitt til þess að dýrum verði slátrað.

3. gr.

1. Til hvernar landamæra-stöðvar heyrir skoðunarstaður, í samræmi við viðaukann. Dýraheilbrigðisþjónustan sem sér um landamæraeftirlitið skal bera ábyrgð á hverri landamæra-stöð og tilheyrandi skoðunarstað.

2. Lifandi dýr skulu þegar í stað flutt undir toleftirliti frá landamæra-stöðinni til tilheyrandi skoðunarstaðar. Auk þess skal lögbæra yfirvaldið á landamæra-stöðinni tilkynna opinbera dýralækninum á skoðunarstaðnum með símbréfi um hverja sendingu sem fer frá landamæra-stöðinni. Á sama hátt skal opinberi dýralæknirinn tilkynna lögbæra yfirvaldinu á landamæra-stöðinni með símbréfi um komu hvernar sendingar.

3. Ákvæði 2. mgr. 2. gr. gilda að breyttu breytanda.

4. gr.

1. Ákvæði 3. gr. tilskipunar 91/496/EBE og nákvæmar reglur um beitingu þeirra skulu gilda.

Samt sem áður gildir eftirfarandi:

— í stað hugtaksins „skoðunarstöð á landamærum“ í a-lið 1. mgr. 3. gr. komi „landamæra-stöð“,

— í stað hugtaksins „skoðunarstöð á landamærum“ í b- og c-lið 1. mgr. 3. gr. komi „skoðunarstaður“.

2. Ákvæði 4. gr. tilskipunar 91/496/EBE og nákvæmar reglur um beitingu þeirra skulu gilda.

Samt sem áður gildir eftirfarandi:

- í stað hugtaksins „skoðunarstöð á landamærum“ í 1. mgr. 4. gr. komi „landamærastöð“,
- í stað hugtaksins „skoðunarstöð á landamærum“ í 2. og 3. mgr. 4. gr. komi „skoðunarstaður“.

3. Ákvæði 5. gr. tilskipunar 91/496/EBE og nákvæmar reglur um beitingu þeirra skulu gilda.

4. Ákvæði 7. gr. tilskipunar 91/496/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ komi þó „skoðunarstaður“.

5. Ákvæði 8. gr. tilskipunar 91/496/EBE og nákvæmar reglur um beitingu þeirra skulu gilda. Samt sem áður gildir eftirfarandi:

- í stað hugtaksins „skoðunarstöð á landamærum“ í a-lið 1. mgr. A-hluta 8. gr. komi „landamærastöð“,
- í stað hugtaksins „skoðunarstöð á landamærum“ í b-lið 1. mgr. A-hluta 8. gr. komi „skoðunarstaður“,
- í stað hugtaksins „skoðunarstöð á landamærum“ í 2. mgr. A-hluta 8. gr. komi „skoðunarstaður“.

6. Ákvæði 9. gr. tilskipunar 91/496/EBE og nákvæmar reglur um beitingu þeirra skulu gilda. Í stað hugtaksins

„skoðunarstöð á landamærum“ komi þó „skoðunarstaður“.

7. Ákvæði 10. gr. tilskipunar 91/496/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ komi þó „skoðunarstaður“.

8. Ákvæði 11. gr. tilskipunar 91/496/EBE skulu gilda.

9. Ákvæði 12. gr. tilskipunar 91/496/EBE og nákvæmar reglur um beitingu þeirra skulu gilda. Í stað hugtaksins „skoðunarstöð á landamærum“ í upphafssetningu annarrar undirgreinar c-liðar 1. mgr. 12. gr. komi þó „skoðunarstaður“.

10. Ákvæði 13., 14., 15., 16. og 17. gr. tilskipunar 91/496/EBE og nákvæmar reglur um beitingu þeirra skulu gilda.

5. gr.

Ákvörðun þessi gildir með fyrirvara um og frá gildistöku-degi sáttmálans um aðild Noregs, Austurríkis, Finnlands og Svíþjóðar.

6. gr.

Ákvörðun þessari er beint til aðildarríkjanna.

Gjört í Brussel 28. desember 1994.

Fyrir hönd framkvæmdastjórnarinnar,

René STEICHEN

framkvæmdastjóri.

VIÐAUKI

Landamærastöð	Tilheyrandi skoðunarstaður	Lifandi dýr
Nuijamaa (landamæri Rússlands og Finnlands) Helsinki (höfn, flugvöllur)	Nuijamaa (þorp) Helsinki (borg)	Öll Öll